

եղրակացնում է, որ հայ մանրանկարիչներն ու բանդակագործները ծանոթ են եղել սասանյան Պարսկաստանի արվեստին և որոշ չափով կրել դրա ազդեցությունը, բայց դա չի եղել նրանց ներշնչման աղբյուրը:

Հ. Տեր-Ղևոնդյանն ուսումնասիրել է (էջ 143—146 և 3 լուսանկար) Երևանի Մատենադարանի հայերեն երեք ձեռագրի արծաթապատ և ոսկեպատ պահպանակներ, որոնք զաղափար են տալիս Վասպուրականի ոսկերիչ հայ վարպետների արվեստի մասին:

Հանդեսի սույն հատորում գրախոսվել են հայագիտական և հայագիտության հետ առնչվող աշխատություններ, գիտական մոդավածուհիներ, Հիշենք մի քանիսը:

Հեղվարանների ուղադրությունը պետք է հրավիրել է. Բենվենիստի զգուշացնող գրախոսության վրա, որտեղ քննադատվում է Ս. է. Մանի «Armenian and Indo-European (Historical Philology)* աշխատությունը (Լոնդոն, 1963)» գրախոսությունը արատապաժամ է Փարիզի լեզվաբանական բնկերության տեղեկագրից (BSL, հատ. LX, պրակ II, 1965, էջ 36—39): Բավարարվենք մեջ բերելով գրախոսության վերջին տողերը. «Զուր է շարունակել սույն քննարկումը: Այն բոլոր ճիշտ տվյալները, որ կարելի է գտնել այս էջերում, Հյուբշմանից, Մեյնից և ստուգարանական բառարաններից են (առանց աղբյուրի նշման): Մնացածն արժեքազուրկ է: Մենք բնթերյոզներին կտրականապես պետք է զգուշացնենք այս գրքից»:

Մաշտոցի անվան Մատենադարանի ձեռագրացուցակի II հատորը կազմագները պետք է որ

ծանոթացած լինեն առաջին հատորի մասին Սիրարիի Տեր-Ներսեսյանի գրախոսությանը և հավանորար հաշվի առած կլինեն արված մի քանի առաջարկներն ու գիտողությունները:

Կոլումբիա համալսարանից Նինա Գ. Գարսայանը համառոտակի և քննադատարար ներկայացրել է «Византийский восточник» հանդեսի 1947—1965 թթ. համարներում չույս տեսած հայագիտական հոդվածները: Նա գտնում է, որ հայագիտության զարգացման համար մեծապես նպաստավոր են հայ գիտնականների աշխատություններն ու դրանց թարգմանությունները, որովհետև նրանք զգալիորեն են արեմբտյան գիտնականներին անմատչելի աղբյուրներ:

Այս հատորում եւ Հայկ Պերպերյանը հանդես է եկել իրեն բեղմնավոր և շնորհալի մատենախոսնա ներկայացրել է Հ. Մ. Ութմազյանի աշխատությունը Թ—Ժ զղ. Սյունիքի վերաբերյալ, Մատենադարանը ծանոթացնող զրոյակները, նրա գիտական նյութերի մոդավածուները և Թանրերները, ինչպես նաև Սիրարիի Տեր-Ներսեսյանի «Armenian Manuscripts in the Freer Gallery of Art» ձեռագրացուցակը (Վաշինգտոն, 1963):

Հատորի վերջում տրված է խմբագրության առաջած գրականության ցանկը, որտեղից երեւում է, որ գծրախոսարար Հայաստանից ոչ մի գիրք չի ուղարկված Հանդեսին:

Մ. ՄԵՆԱՅԱՆ

С. А. ЕСАЯН, Оружие и военное дело древней Армении (III—I тыс. до н. э.), Ереван, 1966, 156 стр., цена 75 коп.

Ս. Ա. ԵՍԱՅԱՆ, Ձեռքերը և ռազմարվեստը հին Հայաստանում (III—I հազ. մ. թ. ա.), Երևան, 1966, 156 էջ, գինը 75 կ.

Յուրաքանչյուր երկրի և պատմա-մշակութային շրջանի հնագիտական հուշարձաններն ունեն իրենց յուրահատուկ կողմերը, իրենց գերիշխող հատկանիշները: Այդ տեսակետից բացառություն չեն կազմում նաև հին Հայաստանի հուշարձանները, որ սփռված են Հայկական լեռնաշխարհ կոչվող աշխարհագրական ընդարձակ տարածության վրա: Եվ իսկապես, Հայաստանի պատմության թանգարանի էքսպոզիցիայի հետ առաջին իսկ ծանոթությունը այցելուին զարմացնում է հին բրոնզյա իրերի ինքնատիպությամբ, որն այդ երկրի նյութական մշակույթի

գերիշխող հատկանիշն է մեկուկես-երկու հազարամյակների ընթացքում:

Հայաստանի բրոնզյա իրերը արժեքավոր պատմական աղբյուրներ են: Բրոնզյա բազմատեսակ իրերի մեջ գերակշիռ մեծամասնություն են կազմում զենքերը՝ սրեր, դաշույններ, կացիններ, նետասլաքներ, նիզակներ, վահաններ,

¹ А. А. Мартиросян, Армения в эпоху бронзы и раннего железа, Ереван, 1964.

պատարճներ, զրահներ, գոտիներ, սաղավարտներ և այլն:

Հնագիտական պեղումների մեկ հարյուրամյակում Հայաստանում կուտակվել է հսկայական նյութ հին զենքերի և ուղղարկված ստի վերաբերյալ, նյութ, որը նպաստում է մ. թ. ա. III—I հազարամյակների Հայաստանի պատմական և հասարակա-տնտեսական զարգացման մի շարք հարցերի լուծմանը: Առանձնապես հարուստ նյութեր հայտնաբերվեցին ետպատերազմյան տարիներին:

Սակայն մինչև այժմ այդ առանձնահատուկ աղ-ժյուրների կոմպլեքսը գիտականորեն վեր չէր լանվել և ընդհանրացվել: Այդ իսկ պատճառով Ս. Եսայանի «Զենքերը և ուղղարկված ստի հին Հայաստանում (III—I հազ. մ. թ. ա.)» գիրքը միանգամայն օգտակար և ժամանակին գրված աշխատանք է: Հեղինակն իր առաջ խնդիր է դրել ի հայտ բերել ուղղարկված ստի զարգացումը Հայաստանում երկու հազարամյակում, այսինքրն ուսումնասիրել հարձակողական և պաշտպանական զենքերի տարբեր տեսակները, նրանց կիրառությունը, ինչպես նաև բանակների կազմավորման ընթացքը, փոխադրության միջոցներն ու նրանց դերը ուղղակի գործում:

Թեման մշակելիս հեղինակը արդարացիորեն օգտվել է ընդունում Հայկական լեռնաշխարհի հուշարձանները, լայնորեն ընդգրկելով նաև նյութեր հարակից երկրներից:

Գրքում օգտագործված են նյութական մշակույթի զանազան հուշարձաններ զենքերը, բերանաղյա գոտիների վրա և մոնումենտալ քանդակագործությունում պատկերված ուղղակի տեսարանները, վերջապես լայն տեղ է տրված լեռնաշխարհի, ստորուկան և ուրսուսայան գրավոր աղբյուրներին:

Փորձառաջիկա ներածության մեջ հեղինակը տալիս է մ. թ. ա. III—I հազարամյակներում Հայաստանի պատմական զարգացման համառոտ ակնարկներ:

Գրքի առաջին և ամենաընդարձակ գլուխը նվիրված է հարձակողական զենքերին (նիզակներ, կացիններ, նետասլաքներ, գուրգեր, դաշույններ, թռեր): Այստեղ առանձին բաժիններում պատկերված յուրաքանչյուր տեսակը դիտվում է իր կատարելիք դերի տեսանկյունից, քննվում է ստեղծման պահից սկսած և դասակարգվում բոլոր հիմնական տեսակների ու տարատեսակների: Ցուրաքանչյուր բաժնի վերջում բերված են համառոտ և շատ օգտակար ամփոփումներ: Զենքերի մի շարք տեսակների համար (զենդարդներ, նիզակներ, նետասլաքներ, դրահներ) նմանօրինակ դասակարգումը տրվում է առաջին անգամ: Բացի այդ, հեղինակը նոր նյութերի հիման վրա վերանայում և լրացնում է

թրերի և դաշույնների նախկինում կատարված դասակարգումը: Գրքի այդ գլուխը անկասկած հետաքրքրական է ինչպես փաստական նյութի, նույնպես և նրա մեկնարանության տեսակետից: Սակայն հեղինակի բերած մեծաքանակ նկարագրությունները, ի տարբերություն մյուս գլուխների, խիստ մասնադիտական են և որոշ չափով միապաղաղ: Դա յուրատեսակ պատմական տեղեկատու է, որից կարող են օգտվել կովկասագետ-հնագետները:

Զենքերի տարբեր տեսակների դասակարգումը առանձին խմբերի ու ենթախմբերի իր հիմքում ստույգ և ճիշտ լինելով հանդերձ, ոչ բոլոր դեպքերում է համոզիչ ձևով հիմնավորված, իսկ երբեմն էլ շատ է մանրացված: Որոշ տարատեսակներ շատ մոտիկ են իրար և ստանդարտ ձևեր չունեն միայն այն պատճառով, որ պատրաստվել են մետաղամշակման տարբեր արհեստանոցներում: Բրդե օրինակ կարելի է բերել իրենց ձևով չափազանց նման նետասլաքները Ստեփանավանից և Կամոյից (աղյուսակ VIII, նկ. 16 և 18), որոնք հեղինակը, չգիտես ինչու, համարում է առանձին տարատեսակներ:

Վիճելի է հեղինակի այն տեսակետը, թե ամենավաղ կոթառով կացինները պատկանում են մ. թ. ա. III հազարամյակի կեսին կամ վերջին (էջ 8, 29): Այժմ հնագետներին ավելի հաճախ են օգնության գալիս ճշգրիտ գիտությունների մեթոդները: Հիշենք, որ Քյուլ-Թեփե բնակավայրում (Նախիջևանի ԻՍՍՀ) 12,5 մ խորության վրա գտնված կոթառով կացնի կավե կաղապարը հայտնաբերվել է ֆիզիկական մեթոդներով (C_{14}) մ. թ. ա. 2920 ± 90 թվականով թվագրված շերտից 4 մետր ավելի խոր: Այս հանգամանքը հնարավորություն է տալիս առավել վաղ կոթառով կացինների թվագրությունը (մասնավորապես այնպիսիները, որոնք ձուլվել են Շենգավիթում և Գառնիում գտնված կաղապարներով) ետ տանել մինչև մ. թ. ա. III հազարամյակի սկիզբը կամ կեսը: Ի դեպ, Քյուլ-Թեփեի կաղապարի հիշատակումը՝ որպես շրջապարակվածի (էջ 28, ծանոթ. 28), իրականությանը չի համապատասխանում: Կաղապարի նկարը մենք գտնում ենք բնականագիտի պեղումների հեղինակ Օ. Ա. Աբիրովաևի աշխատություններից մեկում²:

Մոտավորապես նույն ժամանակով է թվագրվում (2800 ± 90 մ. թ. ա.) Ս. Եսայանի կողմից չհիշատակված տափակ կացնի կաղապարը C շերտից, հայտնաբերված Վրաստանի Կվաց-

² О. А. Абибюлаев, К вопросу о древней металлургии Азербайджана, МИА, № 125, նկ. 2.

խելների բնակավայրում, Այսպիսով, հնագույն կացիներին խմբին պետք է ավելացնել ևս մի տեսակ՝ տափակ կացիներ, որը առայժմ հայտնի է միայն կավե կաղապարով:

Այս բոլոր տվյալները հնարավորություն են տալիս այդ հնագույն կացիները վերագրել ոչ թե էնեոլիթի դարաշրջանին, այլ վաղ բրոնզի ժամանակաշրջանին, երբ հայտնագործված էր մետաղի ձուլումը և կաղապարումը:

Ինչ վերաբերում է դաշույնաձև շեղրերին, ապա, ինչպես ցույց տվեցին վերջին պեղումները Թեղուտի (էջմիածնի շրջան) էնեոլիթյան բնակավայրում, նրանց կիրառումը Հայաստանում վերաբերում է ոչ թե III հազարամյակի վերջին քառորդին (էջ 59), այլ գնում է մինչև մ. թ. ա. IV հազ. խորքը:

Երկրորդ զուխը՝ «Պաշտպանական զենքեր և հետևակը», բաժանված է երկու մասի: Առաջինն իր բնույթով մոտենում է նախորդին: Այն կառուցված է զենքերի տարրեր տեսակների հետադոման նույնպիսի սկզբունքով: Այդ տեսակների մեջ մտնում են վահանները, սաղավարտները և զրահները: Նախաուրարաւաւ շրջանի պաշտպանական զենքեր Հայաստանում գտնված են եզակի օրինակներով: Դրա փոխարեն նրանք մեծ քանակությամբ հայտնաբերվում են ուրարտական ամրոցները պեղելիս, հատկապես Կարմիր բլուրում: Ուստի Ս. Եսայանը ստիպված է լինում այդ տիպի զենքերը վերականգնել առավելապես ըստ ուրարտական առարկաների, բրոնզյա գոտիների վրա եղած պատկերների, ինչպես նաև հեթիթական և ասորական մոնումենտալ քանդակների:

Այս մասի համառոտ եզրափակման մեջ տրված են հիմնական հետևությունները: Հեղինակը միանգամայն հիմնավորված ձևով ցույց է տալիս, որ մ. թ. ա. II—I հազարամյակում Հայաստանը կրել է սկզբում հեթիթական, այնուհետև ասորեստանյան և ուրարտական պետությունների ազդեցությունը: Այդ, առաջին հերթին, նկատվում է պաշտպանական զենքերի ձևերի մոտիկության և զորքերի կազմակերպման մեջ:

Այս դիտի երկրորդ մասը, որ նվիրված է զորքի կազմակերպմանը, շարադրված է այլ աղբյուրների հիման վրա: Ծիշտ է, այստեղ ինչ որ շափով օգտագործված են քանդակների պատկերները, սակայն որպես հիմք վերցված են հեթիթական, ասորական և ուրարտական գրավոր փաստաթղթերը, որոնք բերվում են Գ. Ա. Ղափանցյանի, Ի. Մ. Դյակոնովի և Գ. Ա. Սելիքիշվիլու թարգմանությամբ: Հայնորեն օգտագործված է նաև Բ. Բ. Պիոտրովսկու «Վանի թագավորությունը» աշխատությունը: Գրքի այս մասը հեշտ է կարդացվում և հետաքրքրություն

է ներկայացնում ոչ միայն հնագետի, այլև պատմաբանի և առանձնապես ռազմական գործը ուսումնասիրողների համար:

Տարբեր աղբյուրներում եղած մեկտուր տեղեկությունների հիման վրա Ս. Եսայանին հաջողվել է վերարտադրել զորքի կառուցվածքը նախաուրարտական և գլխավորապես ուրարտական շրջաններում: Բանակը բաղկացած էր հետևակից (40—50 հազար մարդ), հեծելազորից և ինժեներային զորքերից: Զորքերի հիմնական խմբերին՝ հետևակ, հեծելազոր, մարտական քեր, արշավների ժամանակ հետևում էր գումակը: Թշնամու տերիտորիայով անցնելիս զորքը պաշտպանվում էր առաջապահ, ետնապահ և եզրային պաշտպանական զորամասերով: Մեծ զորք էր խաղում հետախուզությունը:

Այսպիսով, մեր առաջ կանգնում է ուրարտական բանակը իր հստակ և բարդ կառուցվածքով, որն ապահովում էր նրա բարձր մարտունակությունը հազարավոր կիլոմետրերի երթերի ժամանակ: Ս. Եսայանի գրքում ուրարտական բանակի պատկերը շափազանց համոզիչ և վառ է ներկայացված:

Երրորդ զուխը՝ «Փոխադրամիջոցները և նրանց կիրառումը ռազմական գործում», ունի «Զիբեր» և «Անիվային տրանսպորտը» բաժինները: Այս զուխը գրված է ինչպես հնագիտական հուշարձանների նյութերի, նույնպես և հեթիթական ասորական և ուրարտական գրառք աղբյուրների հիման վրա:

Հեղինակը գալիս է այն համոզման, որ Հայկական լեռնաշխարհը, որպես Առաջավոր Ասիայի մշակութային աշխարհի մի մասը, մ. թ. ա. XV—III հազարամյակներում ունեցել է ընտելացված ձի: Մ. թ. ա. II հազարամյակում ձին արդեն լծվել է մարտականություն, որոնք մտնողական դեր էին խաղում հեթիթների և միտանացիների հետ ունեցած ռազմական ընդհարումներում:

Հայաստանի տերիտորիայում (ուրարտացիների այստեղ երևալու ժամանակաշրջանում) ձիարուծության լայն տարածման մասին վկայում են ուրարտական թագավորների տարեգրերը: Այսպես, Արգիշտի I-ի և Սարգուրի II-ի արշավանքների ժամանակ այստեղ բռնագրավվել է 25—30 հազար ձի:

Արտակարգ հետաքրքրություն է ներկայացնում այն աշխատանքը, որ կատարել է Ս. Եսայանը Նաիրի—Ուրարտու երկրների վրա Ասորեստանի բազմաթիվ արշավանքների ժամանակ մեծ քանակությամբ ձիերի բռնագրավման մասին ասորական աղբյուրներում եղած տեղեկությունների ընտրության ուղղությամբ: Արձանագրությունները վկայում են Ուրարտուում ձիարուծության վիթխարի շափերի մասին:

Նախ ցավալի է, որ զրթում բացակայում է ձիու ոազմական հանդերձանքին նվիրված բաժինը: Մինչդեռ հնազդիտական հայտնադործությունները, ինչպես նաև որմնաքանդակների պատկերները նյութ են տալիս ձիու ոազմական հանդերձանքի վերարտադրման համար:

Հաջորդ բաժինը նվիրված է անիվային տրանսպորտին: Նրա հիմքում ընկած են լճաշենի հազվագյուտ հայտնադործությունները: Իսկապես, վերջին տարիներին գտնված և ջրի կոնաերվացնող հատկությունների շնորհիվ պահպանված փայտյա հոյակապ սայլերն ու կառքերը հանդիսացան հնազդիտական խոշոր սենսացիա: Այն, ինչ նախկինում հայտնի էր միայն քանդակներից, այժմ երևան եկավ բնական ձևով: Կառքերից բացի գտնվեցին նաև նրանց բրոնզյա մոդելները: Փայտյա այդ հիանալի սայլերն ու կառքերը իրավամբ հանդիսանում են Հայաստանի Պատմության թանգարանի հրապարտությունը:

Այս բաժնում հեղինակը մանրամասնորեն կանգ է առնում անիվային տրանսպորտի տարբեր տեսակների կառուցվածքի վրա: Անիվային տրանսպորտը նա բաժանում է շորս և երկու անիվանի բեռնատար սայլերի, երկանիվ կառ

քերի և մարտակառքերի: Հետաքրքրական է, որ վերջիններս հայտնի են միայն բրոնզյա մոդելներով, որոնք դրվել էին դամբարանների մեջ անկասկած մեծ արժեք ներկայացնող իսկական մարտակառքերի փոխարեն:

Ըմիջիայլոց նման օրինակներ, երբ ամբողջականը փոխարինվում էր մասնակիով կամ իսկականը՝ մոդելով, հանդիպում են Արջաձորի, Խոջալիի, Մինգեչաուրի, Կիրովականի, Վենինականի և Կովկասի այլ հնագույն դամբարաններում, ուր սանձերը և ձիու սարքավորումները փոխարինում են ձիերին: Այս երկու օրինակները չափազանց վառ ցույց են տալիս, թե ինչպես կյանքի պրակտիկ կողմերը առաջացնում էին հուղարկավորման և պաշտամունքային ինքնատիպ առանձնահատկություններ:

Եզրափակիչ մասում հեղինակը համառոտակի բնորոշում է Հայաստանի հին զենքերի, ոազմական զործի և տրանսպորտի զարգացման հիմնական փուլերը, դրանք դիտելով պատմական լայն ֆոնի վրա, Հայաստանի պատմական, մշակութային և աշխարհագրական շրջապատի հետ սերտ կապակցության մեջ:

Կ. ՔՈՒՇՆԱՐՅՈՎԱ
(Լեմիճգրադ)